

आकाशवाणी

खबरां -----

1. संसद दे औंदे बजट इजलास कोला पैहले सरकारै सब्भनें पार्टिएं दी बैठक सद्दी। बजट इजलास कल राष्ट्रपति हुंदे संबोधन कन्नै शुरू होग।
2. केंद्री गृह मंत्री अमित शाह होरें अज्ज नमीं दिल्ली च गुजरात च नमें आपराधिक कनूनें दी अमलावरी बारै इक बैठक च समीक्षा कीती।
3. श्रम मंत्रिएं ते राज्य दे सचिवें दी 2 रोजा राश्ट्रीय सतह दी बैठक अज्ज सम्पन्न होई गेई।
4. चुनां आयोग नै आम आदमी पार्टी दे संयोजक अरविंद केजरीवाल होरें गी जमना च जैहर मलाने बारै अपने बयान पर कल्लै तगर जवाब देने लेई आखेआ ऐ।
5. केंद्री मंत्री अश्विनी वैष्णव होरें आखेआ ऐ जे भारत ए.आई दा अपना बुनियादी मॉडल तैयार करोग।
6. बैडमिंटन च भारत दे मिदाम्बी श्रीकांत ते शंकर सुब्रह्मण्यम थाईलैंड मास्टर्स दे मर्दे दे क्वार्टर फाइनल च पुज्जी गे'ना।

All Party Meet

संसद दा बजट सत्र कल्लै थमां शुरु होआ र'दा ऐ। इसदे थ्वा पैहले अज्ज सर्वदलीय बैठक बुलाई गेई। कल राष्ट्रपति द्रौपदी मुर्मू होर बजट सत्र दे पैहले दिन कल संसद दे दोनें सदनें गी सांझै तौर पर सम्बोधित करडना। बजट सत्र दा पैहला चरण शुक्रवार सोयां शुरु होईऐ 13 फरवरी तक चलोग ते सत्र दा दुआ चरण 10 मार्च सोयां 4 अप्रैल 2025 तक चलोग। बैठक च लोकसभा च सदन दे उपनेता ते रक्षा मंत्री राजनाथ सिंह, राज्यसभा च सदन दे नेता ते सेहत मंत्री जे.पी नड्डा, संसदीय मामलें दे मंत्री किरें रिजिजू, कांग्रेस सांसद जयराम रमेश ते गौरव गोगोई, टीएमसी सांसद सुदीप बंद्योपाध्याय, समाजवादी पार्टी दे सांसद राम गोपाल यादव, बीजू जनता दल दे सस्मित पात्रा ते डी एम दे सदस्य टी आर बालू सनें केई होर सदस्य मौजूद हे।



Amit Shah Gujrat Criminal Law

केंद्री गृह ते सहकारिता मंत्री अमित शाह होरें गुजरात च त्रै नमें आपराधिक कनूनें गी लागू करने गी लेइयै अज्ज नमीं दिल्ली च समीक्षा बैठक दी अध्यक्षता कीती। इस दौरान गुजरात च पुलिस, जेल, अदालतें, अभियोजन ते फोरेंसिक कन्नै सरबंधत नमें प्रावधानें दे कार्यालयन ते वर्तमान स्थिति दी समीक्षा कीती गेई। इस मौके पर गृह मंत्री होरें आखेआ जे नमें कनूनें च प्राथमिकी दर्ज करने दे त्रै बरे दे अंदर न्याऽ दिलाने प्रावधान ऐ। उनें आखेआ जे गुजरात सरकार गी एह सुनिश्चित करना चाइदा जे इस बरे 30 अप्रैल तक सब्बै आयुक्त कार्यालयें ते राज्य दे होरनें विभागें च नमें आपराधिक कनून लागू होना। उनें

एहू बी आखेआ गृह ते सौआस्थ्य विभाग गी एहू बी सुनिश्चित करना चाइदा ऐ जे अस्पताले च पोस्टमार्टम ते होर मेडिकल रिपोर्ट इलेक्ट्रानिकली ढंग्गै नै जारी कीतियां जान। एहूदे आस्तै उनें राज्य पुलस महानिदेशक गी निरंतर निगरानी करने दा बी निर्देश दित्ता।

<><><><><><>

JPC

वक्फ (संशोधन) विधेयक, 2024 पर संसद दी सांझी समिति नै अज्ज अपनी रिपोर्ट लोकसभा दे स्पीकर ओम बिरला होरें गी सोंपी। सांसद जगदम्बिका पाल हुन्दी अध्यक्षता च वक्फ संशोधन विधेयक 2024 कन्नै सरबन्धित संयुक्त संसदीय समिति नै संसद भवन च लोकसभा अध्यक्ष हुन्दे कन्ने मलाटी कीती ते उनें गी अपनी रिपोर्ट सोंपी। वक्फ कानून े दे संशोधन े गी लेईऐ कायम संयुक्त संसदीय समिति (जेपीसी) दी रिपोर्ट गी 11 वोटें दी तुलना च 15 वोटें दे बहुमत कन्नै स्वीकार करी लैता गेआ। इसदे च बीजेपी आस्सेआ दिते गेदे सुझाएं गी बी शामिल कीता गेआ ऐ। बी जे पी आस्सेआ इस बिल गी पिच्छले बरे अगस्त म्हीनें लोकसभा च पेश कीता गेआ हा। इसदा मकसद वक्फ सम्पतिएं च पार्दशिता , जवाबदेई यकीनी करना हा। वक्फ कानूनों को लेकर संशोधनों को लेकर गठित संयुक्त संसदीय समिति (जेपीसी) की रिपोर्ट को 11 मतों की तुलना में 15 मतों के बहुमत से स्वीकार कर लिया गया। कमेटी के अध्यक्ष जगदंबिका पाल ने गुरुवार को यह रिपोर्ट लोकसभा अध्यक्ष ओम बिरला को सौंप दी। दुई पेठा मुस्लिम समुदाय ने इसी म्स्लमान समुदाय दे लोके दे संवैधानिक अधिकारें पर प्रहार करार दिता हा ते इसी वक्फ दे कम्म काज च दखल मन्नेआ हा।



Labour Minister

राज्यें ते केंद्र शासित प्रदेशें दे श्रम मंत्रियें ते सचिवें दी राश्ट्रीय स्तर दी दऊं ध्याडें दी बैठक अज्ज नमीं दिल्ली च सम्पन्न होई। बैठक दी अध्यक्षता श्रम ते रोजगार मंत्री डॉ. मनसुख मांडविया होरें कीती। मांडविया होरें आखेआ जे उंदा मंत्रालय संगठित ते असंगठित कार्मिकें दे कल्याण आस्तै राज्य सरकारें कन्नै मिलियै कम्म करने लेई प्रतिबद्ध ऐ। उनें आखेआ जे आवास ते निर्माण कार्यें च लग्गे दे कर्मियें कन्नै गिग ते प्लेटफार्म कर्मियें दा कल्याण सरकार दी प्राथमिकता ऐ। बैठक च पेंशन, सौआस्थ सेवा, जीवन ते दुर्घटना बीमा दे कन्नै-कन्नै कई होर मुद्दें पर गहनता कन्नै विचार-विमर्श कीता गेआ। बैठक दौरान दस विषयें पर विस्तारपूर्वक चर्चा कीती गेई। मार्च 2025 दे कार्मिकें आस्तै व्यापक सामाजिक सुरक्षा कवरेज आस्तै टिकाऊ मॉडल विकसित करने ते विचार विमर्श करने आस्तै त्रै समितियां गठित कीतियां गेदियां न। प्रत्येक समिति च पंज-पंज राज्यें गी शामिल कीता गेआ ऐ।



ECI-Kejriwal

निर्वाचन आयोग नै अज्ज आम आदमी पार्टी दे संयोजक अरविंद केजरीवाल होरेंगी कल बडुलै तोड़ी यमना नदी गी जरीला करने दे उन्दे आरोपें सरबंधी नोटस दा जवाब देने दा निर्देश दिता ऐ। उनेंगी लिखी दी अपनी चिट्ठी च आयोग नै उन्दे आसेआ कीती गेदी टिप्पणिणं पर जवाब देने लेई आखेआ ऐ। चुनाव पैनल नै एहू जानने दी कोश्ट कीती ऐ जे

हरियाणा सरकार नै किस चाल्ली नदी च जैहर मलाया ऐ जेदा केजरीवाल होरें अपने बयान च दोष लाया ऐ। आयोग इब्बी जानना चाहंदा ऐ जे दिल्ली जल बोर्ड दे केहडे इंजीनियर नै एहू चैक करियै दस्सेआ ऐ जे पानी च जैहर मलाया गेदा ऐ जेदा उनें दोष लाया ऐ।

<><><><><><>

Gandhi Death Anniversary

पूरा राश्ट्र अज्ज महात्मा गांधी हुंदी 77मीं पुण्यतीथि उप्पर श्रद्धांजलि भेंट करा रदा ऐ। इस मौके उप्पर अज्ज बडुलै नमीं दिल्ली च गांधी समाद्धि, राजघाट च सर्व धर्म प्रार्थना दा आयोजन कीता गेआ। राश्ट्रपति द्रौपदी मुर्मू होरें अज्ज राश्ट्रीय राजधानी च महात्मा गांधी हुंदी समाद्धि पर श्रद्धांजलि अर्पित कीती। प्रधानमंत्री नरेंद्र मोदी ते विपक्ष दे नेता राहुल गांधी होरें बी महात्मा गांधी होरें गी श्रद्धांजलि भेंट कीती। इस मौके पर केंद्री मंत्री राजनाथ सिंह, मनोहर लाल खट्टर, त्रौनें सेनाएं दे प्रमुख ते चीफ ऑफ डिफेंस स्टाफ बी उत्थे मौजूद हे। हर बरे 30 जनवरी गी राश्ट्र महात्मा गांधी होरें गी श्रद्धांजलि भेंट करदा ऐ जिनें भारत दे आजादी दे संघर्ष दा मार्गदर्शन कीता हा। इस दौरान जम्मू च गांधी ग्लोबल दे प्रधान पदमश्री डॉ. एस.पी वर्मा होरें महात्मा गांधी हुंदी पुण्यतीथि पर इक कार्यक्रम दा आयोजन कीता जेदे च महात्मा गांधी हुंदे शांति ते सौहार्द दी शिक्षाएं गी बढावा दित्ता गेआ। इस मौके उपराज्यपाल मनोज सिन्हा होर मुख परौहने हे। मुख सचिव अटल डुल्लू, डिविजनल कमिशनर रमेश कुमार, कई विधायक ते होरनें अधिकारी बी मौजूद हे। इस दौरान शांतिदूत सम्मेलन बी आयोजित कीता गेआ जेदे च जिम्मेवार

नागरिकें ते स्कूली बच्चें हिस्सा लैता। इस मौके उप्पर बच्चें गी दस्सेआ गेआ जे शांति, सौहार्द ते विकास हासल करने लेई बापू जी दे सिद्धांत बड़े जरूरी ना।

<><><><><><>

Jaishankar

विदेश मंत्री डॉ. एस जयशंकर होरें अज्ज दिल्ली युनिवर्सिटी च विकसित भारत लेई युवा विषय पर बक्ख-बक्ख कालेजें दे विद्यार्थिं कन्नै चर्चा कीती। विद्यार्थिं गी संबोधित करदे हेई डॉ. जयशंकर होरें आखेआ कि नौजवानें दे बगैर विकसित भारत दा तसव्वर बी नेही कीता जाई सकदा। उनें आखेआ जे बक्ख-बक्ख खेत्तरें च समर्थ ते दक्षता हासल करने लेई नौजवानें कश अपनी मर्जी दा कम्म करने दी खुल्ल होनी लोड़चदी ते उनेंगी पढ़ने-लिखने ते अपनी मर्जी दा पेशा चुनने दी बी आजादी ते साजगार माहौल होना लोड़चदा।

<><><><><><>

Railway-Ashwani

केंद्री रेल मंत्री अश्विनी वैशणव होरें आखेआ ऐ जे कल मौनी मस्सेया दे मौके पर महाकुम्भ स्नान करने आहले श्रद्धालुं गी उत्थुआं वापस आहनने लेई 364 रेल गड्डियां रात भर चलदियां रेइयां। नमीं दिल्ली च मीडिया कन्नै गल्ल करदे होई उनें आखेआ जे रेलवे दी पूरी टीम नै राज्य सरकार कन्नै मिलियै कम्म कीता ते कोई 12 लक्ख श्रद्धालु इनें रेल गड्डिं च सोआर होइयै अपने-अपने शैहरें गी पुज्जे ना।

<><><><><><>

America-Helicopter

अमरीका च अज्ज इक्क यात्री विमान दुर्घटनाग्रस्त होई गेआ। विमान च 64 लोक सवार हे। संघीय उड्डयन प्रशासन ते रक्षा अधिकारियें दस्सेआ ऐ जे विमान जदूं रनवे पर उतरा रदा हा तदूं गै रीगन नेशनल एयरपोर्ट दे कौल अमरीकी सेना दे ब्लैक हॉक हैलीकाप्टर कन्नै टकराई गेआ। राष्ट्रपति डोनाल्ड ट्रम्प होरें आखेआ जे उनेंगी दुर्घटना दी जानकारी दिक्ती गेई ऐ ते उनें स्थिति पर तक्क रक्खी दी ऐ। पुलस अनुसार हादसे च च मारे गेदे चां 30 दियां लोथां अजे तोडी बरामद करी लैतियां गेदियां ना।



Ashwani Vaishnav AI

इलेक्ट्रानिक ते सूचना प्रौद्योगिकी मंत्री अश्विनी वैष्णव होरें आखेआ जे भारत आने आहले म्हीनें च अपना मूलभूत मॉडल तैयार करोग। श्री वैष्णव होरें नमीं दिल्ली च अज्ज मीडिया गी दस्सेआ जे भारत दा मूलभूत मॉडल विश्व दे श्रेष्ठ मॉडल दी बराबरी आह्ला होग। उनें आखेआ जे भारत नै अपना ए.आई मॉडल विकसित करने सरबंधी प्रस्तावें दी इक्क रूप-रेखा तैयार कीती दी ऐ। श्री वैष्णव होरें इक्क ए.आई सुरक्षा संस्थान स्थापित कीते जाने दी बी घोषणा कीती। उनें इंडिया ए.आई मिशन दी प्रगति दा उल्लेख कीता जेडा पैहले थवां गै अपने प्रारम्भिक ग्राफिक प्रोसेसिंग यूनिट लक्ष्यें थवां बडा मता अग्गे निकली चुके दा ऐ। श्री वैष्णव होरें आखेआ जे 18 ज्हार 693 जी.पी.यू दे कन्नै इक्क सामान्य गणना सुविधा दा बी शुभारम्भ कीता गेदा ऐ।



World Food Fair

नमीं दिल्ली विश्व पुस्क मेला 2025 नमीं दिल्ली दे भारत मंडपम च पैहली फरवरी गी शुरू होआ रदा ऐ। इस बरे मेले दा विषय सार ऐ “हम भारत के लोग”। 9एं दिनें तोड़ी चलने आहले इस मेले दा उद्घाटन राष्ट्रपति द्रौपदी मुर्मू होर करंगन। आकाशवाणी समाचार कन्नै गल्ल करदे होई नैशनल बुक ट्रस्ट दे निदेशक युवराज मलिक होरें दससेआ जे इस बरे लेई मुख देश रूस ऐ ते एहदे च फ्रांस, अर्जेटीना, स्पेन, कोलंबिया, संयुक्त अरब अमीरात ते कतर सने 50 कोला मते मुख हिस्सा लै करदे ना। उनें दससेआ जे मेले च कोई 2 ज्हार प्रकाशक ते इक्क ज्हार वक्ता हिस्सा लेंगन।



Badminton

ते हून बैडमिंटन। दुनिया च पैहले नम्बरै पर रेही चुके दे बैडमिंटन दे भारतीय खडारी किदाम्बी श्रीकांत ते शंकर सुब्रह्मण्यम बैंकाक च खेडू जा'रदी थाईलैंड मास्टर्ज टूर्नामेंट दे मर्दे दे इक्कले-इक्कले मकाबले दे क्वार्टर फाइनल च पुज्जी गेन। श्रीकांत नै 20एं बरें दे हांगकांग दे खडारी जैसन गुनावान गी छडे 42एं मिंटे दे खेडू च 21-19, 21-15 कन्नै हराया जिसलै जे सुब्रह्मण्यम नै इंडोनेशिया दे चीको औरा द्वी वार्डोयो गी 16 राउंडें च 9-21, 21-10, 21-17 कन्नै हराई दित्ता। इससै चाल्ली महिलाएं दे इक्कले-इक्कले मकाबले च रक्षिता रामराज नै तैवान दी टुंग सिओ-आंग गी 21-15, 21-12 कन्नै हराइयै खीरी 8एं च अपनी थाहर हासल करी लैती ऐ। तोआई, मिक्स्ड मकाबले च भारत दे रोहण कपूर ते रूतविका गद्दे दी जोड़ी थाईलैंड दे रत्चापोल मक्का सासीथार्न ते नट्टामोन लायसुआन दी जोड़ी कोला प्रिक्वार्टर फाइनल च हारी गई ऐ।



National Games

उत्तराखंड च राष्ट्रीय खेडें च केई रोमांचक मुकाबले दिखने गी लब्भा र दे ना। राष्ट्रीय खेडें च निशानेवाजी अज्ज जवरदस्त मुकाबले होए। 10 मीटर एयर राईफल मुकाबले च रमिता जिन्दल फअपना बेहतर प्रदर्शन नेई करी सकियां ते उनें गी केँ दे तगमें कन्ने गै संदोख करना पेआ। तमिलनाडू दे राजू एन नै सुन्ने दा तगमा जितेआ ते हर कुसै गी हैरान करी दिता। 25 मीटर एयर पिस्टल मुकाबले च हरियाणा दे अनीश नै बेहतर प्रदर्शन कीता ते सुन्ने दा तगमा जितेआ। भार तुलकने आहले मुकाबले च केरल सुनफा जैसमिन नै सुन्ने दा तगमा हासिल कीता। कर्नाटका तगमे आहली सूचि च पैहली थाहर पर ऐ ओहू 6 सुनिने दे 2 चांदी दे तगमे हासिल करी चुके दा ऐ मणिपुर दुई थाहर पर ऐ ओने 4 सुन्ने दे ते 4 चांदी दे तगमे हासिल कीते ना।



Chess

भारत दे डी गुकेश नै नीदरलैंड्स दे विज्की आन जी च 2025 टाटा स्टील शतरंज टूर्नामेंट च जित्त दा अपना जलवा जारी रखेआ ऐ। उने मास्टर्स कैटेगरी च अपनी बढ़त बनाई रखदे होई कल रातीं नीदरलैंड्स दे ग्रैंड मास्टर मैक्सई वारमेरडम गी खेड दे दसमें दौर च हराई दिता। सबने थमां घट्ट उमरी दे विश्व शतरंज चैंपियन बनने मगरा गुकेश दा एहू पैहला टूर्नामेंट ऐ।



RBI

भारती रिजर्व बैंक दे सूचकांक मूजब सितंबर 2024 तगर देश च डिजिटल ढंगै नै अदायगी च 11 इशारिया 1 प्रतिशत अंके दा बाद्दा दर्ज कीता गेआ ऐ। सितंबर 2024 लेई रिजर्व बैंक दा डिजिटल भुगतान सूचकांक मार्च 2024 दे 445 इशारिया 5 कोला बधियै 465 इशारिया 3-3 होई गेआ ऐ।



Jal Board Delhi

दिल्ली जल बोर्ड नै दस्सेआ ऐ जे भूमिगत जलाशय ते बूस्टर पंपिंग स्टेशन दी सलाना सफाई दे कारण कल ते परसों राजधानी दे बक्ख-बक्ख खेत्तरे च पानी दी आपूर्ति प्रभावित रौहग। दिल्ली जल बोर्ड मताबक कल बीडी ब्लॉक जनकपुरी, राजौरी गार्डन, आनंद बिहार, ए.जी.सी.आर एन्क्लेव ते मयूर बिहार समेत कई होरनें खेत्तरे च पानी पूर्ण क्षमता कन्नै नेई औग। तोआई, परसों हरि नगर, डी ब्लॉक जनकपुरी, डीए-ब्लॉक हरि नगर बी.पी.एस, राजौरी गार्डन, दिलशाद गार्डन, शंकर बिहार, चित्रा बिहार ते लक्ष्मी नगर समेत कई होरनें इलाके च जलापूर्ति प्रभावित रौहग। जल बोर्ड नै लोके गी लोढ अनुसार पानी दे उपयोग दी अपील कीती ऐ।



IMD

भारतीय मौसम विभाग नै अरूणाचल प्रदेश च भारी बरखा ते बर्फबारी दे असार दस्से ना। मैहकमे दा आखनाऐ जे उत्तर पूर्वी असम, नागालैंड, उप हिमालयी पच्छिम बंगाल ते सिक्किम च बी कल्लै तगर बरखा बरने दी तवक्को ऐ। तोआई, पंजाब ते हरियाणा च बी

अगले 2 दिनें दौरान हल्के कोला दरम्याने दर्जे दी बरखा बरी सकदी ऐ। तोआई, पच्छमी
ब्हारा च बनी दी खोदल आली स्थिति दे चलदे हिमाचल प्रदेश, उत्तराखंड ते आले
दोआले दे इलाके च बी बरखा ते बर्फबारी दे असार ना। मौसम विभाग नै अगले दो दिने
दौरान सिक्किम, उत्तर प्रदेश, बिहार, ओडिशा, असम ते मेघालय च बी बडलै ते शामी
घनी धुंध पौने दी संभावना दस्सी ऐ।

<><><><><><>